



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

**Mallinckrodt, Bernhard von
Monasteri[i] Westphaliae, 1640**

Maximilianvs II Imp.

urn:nbn:de:hbz:466:1-11835

MAXIMILIANVS II Imp.

*Iohannes
Huldéricus
Zafius.*

Iohannes Vdalricus Zafius apud Maximilianum II iam tunc à Cancellis fuisse videtur, quo tempore is viuente patre Regis Romani titulo decoratus, necdum legitimo regimini se immiscuerat. Atque hanc causam fuisse non dubito, quòd amoto tantisper Webero, Vice-Cancellarius Imperij constitutus sit, cum imperare herus suus cœpit. Fuit hic Magni illius Zafij Constantiensis, qui primarijs Italiae Galliaëque Iuris Cæsarei restauratoribus & interpretibus per doctissima scripta sua accenseri meruit, Professoris Friburgi Brisgoæ filius, cuius etiam postuma quædam euulgauit. Annum mortis Melchior Adamus non adnotat, contentus dixisse, casus Seldiani consortium; licet tunc quidem præsentem necem euaserit, acceleratæ mortis eius causam extitisse. Namque annos haud ita multos superuixit. Huic deinde eundem Weberum, qui sub Ferdinando hanc stationem obiuerat, successisse certum est, qui an. 1572, 1573 & 1575 subscripsit Maximiliani Diplomata, quæ vidi & legi.

** communi
currere ve-
ritas hic est,
cum ille
periret.*

*VVolfgan-
gus Haller.*

Secretarium status, siue Imperialium expeditionum sub hoc & duobus præcedentibus Imperatoribus, eius socero patreque, egit VVolfgangus Haller vir præclarus, in quo candorem, sinceritatem, fidem atque constantiam commendat, ac præterea virtute, eruditione & pietate clarissimum vocat Simon Schardius IC Camera Imperialis Assessor, qui ipsi Epistolas Petri de Vineis an. 1566 editas inscripsit.

RVDOLPHVS II Imp.

*Sigism.
Vieheuser.*

Primus, qui functus sit sub Rudolpho Vice-Cancellariatus officio, Sigismundus Vieheuser haecenus à me repertus est; quem Kirchnerus refert lib. 4. cap. 3. Extat Priuilegium Rudolphi Imp. datum subditis Ducis Iuliacensis, &c. de non euocando an. 1580, hac subscriptione: *Vice ac nomine Reuerendissimi Domini, D. Danielis Archi-Episcopi, Archi-Cancellarij & Electoris Moguntini, Vr. S. Vieheuser.* Ad Mandatum S. Cæs. Maiest. proprium. A. Erstenberger.

*Iacobus
Curtius à
Senfftenau.
Ioan.
VVolfgan-
gus Frei-
monius.*

Iacobus Curtius à Senfftenau v, Vieheuseri, ni fallor, Successor fuit. Hunc Bucholtzerus in *Indice Chronolog.* celebrat omnium studiorum, in primis verò Mathematicorum, amatorem fuisse. Obijt mense Maio an. 1594, cum se ad iter Comitiorum Ratisbonensium præpararet. Ioan. VVolfgangus Freimonius in Oberhausen Ingolstadiensis, an. 1546, 14 Martij, (inci-